

د. محمود یونس أحمد

# أصعب إحساس



# أصعب إحساس



محمود يونس أحمد

بِسْمِ اللَّهِ الرَّحْمَنِ الرَّحِيمِ

الطبعة الاولى ٢٠٢٠ م

حقوق النشر محفوظة



اسم الكتاب: أصعب إحساس

المؤلف: محمود يونس أحمد

رقم الإيداع: 2020/14713

الترقيم الدولي: 988/977/6565/34/8

للتواصل بالمؤلف

ymodmenna@yahoo.com

01123944884


التجهيزات الفنية

Retouch

01211929410

إهداء

إلى أبي



## أصعب إحساس

أصعب إحساس في عمرك

إنك تحتاج لحد

يوعد كثير وعمره

مايوفي مره وعد

وأصعب إحتياج

إنك تحتاج لروح

ومش قادر تبوح

حاسسها جزء منك

وهي مستحيل

لو مره بيك تحس

مش شايف حد غيرها

وانت ف دور البديل

أو متفرج وبس



إيه تفسير إحتياجك

ده ضعف ولا إيه

يعنى شئ غصب عنك

ولا تتلام عليه

غريزه جوا منك

وبيهما إتخلقت

ولا إحساس صنعته

وعملته ليك صنم

وهو فى الحقيقه

شئ أشبه بالعدم

إحساس الإحتياج

مخلوق جواك عشان

تحس دايمًا إنك

مش حاسس بالأمان



وإنك محتاج بجد

لربك فتناديه

ساعتها تحس بس

فعلا بالشوق إليه

وإنك محتاج له دائما

عشان تقدر تعيش

وإن الدنيا بجمالها

فى بعده ماتساوئش

ولحظة قرب واحده


تسوى كل الحياه

يعنى لو احتجت غيره

إعرف إن قلبك

ضل طريقه وتاه





كنت عايش

كل يوم بيعدى زى

كل يوم

مفیش قلق

ومفیش هموم

لكن ف يوم شفتها

وكان عمرك

ف يوم ماشفت


حاولت ترسم إبتسامه

فوق شفایفك

بس الحقيقه إنت خفت

اللى إنت شايفه يكون سراب





شعور غريب بالاضطراب

عمرک ما حسيته ف حياتك

نظره واحده من عنيتها

نستك كل اللي فاتك

شئ عجيب

لما الحبيب

فجأه يبص ف عين حبيبه

يلقى نفسه جوا منها

ياخذ قرابعتها

إنه مش مكن يسيبه

من بعدها أخذت القرار

إن إنت ليها وهى ليك

هى من دون البشر

اللى ممكن تحتويك

وتكون شريك



ليك ف الحياه

من بعدها

قربت منها وهى تبعد

وكل مايزيد بعدها

ويزيد عنادها

تسرح معاها فى عند خدها

وتحس إنها ليك وبس

مستنى لحظه قربها

لحظة ماتيجنى وبيك تحس

وبعد وقت مهوش طويل

اللى إنت شايفه مستحيل

أصبح حقيقه

أجمل ملاك وعيون بريئه

بين إديك

لو غبت عنها لحظه واحده

بتناديك

لا إنت قادر عنها تبعد

ولا هى قادره

تشيل عنيه من عنيك

وكأنه وعد

وإنكتب فوق الجبين

إن الحياه إتقسمت

ما بين روحين

حب وحنين

وشوق بييجى بس لو

حد فكر يغمض عنيه

وحلم فيه الدنيا جنه

وأجمل مافيه بيناديه

وسط كل الحب ده

كان الفراق إبتدى



هی فاکره إن انت سبت

وانت فاکر

إنها هی اللى سابت

هی غابت

بس غابت غضب عنها

وانت نفسک

بس تعرف فین مکانها

اشتقت لیها

کل یوم تکتب جواب

حب وعتاب

إزای تسیبی حب عمرک

إزای تغیبی وتقتلینی

أصبحت مسجون جوا حلمی

عایش مابین شوقی وحنینی

ولا مره شافت الرساله



وعايشه حاله

أشبه بموت

أيام تمر عليها صعبه

ما بين بكا وما بين سكوت

وبعد يأس إنك تشوفها

وهي برده يأسك بجد

وسط زحمة الحياه

وياسها كلمها حد

بدات تعيش

وقافله جرح ف قلبها

ماهو مستحيل

إن إنت يوم ترجع لها

ويوم فرحها

شافت خبر



وصوره

مطبوعه ف جریده

صورة حبيبها اللى غاب

وسنين عذاب

فى بعده عنها

وشعور غريب أصبح ساكنها

باللهفه والخوف والفرح

وخيال سرح

فى كل شئ بينها وبينه


وغصب عنها سابت فرحها

جریت عليه تساله

ازای وليه سابها وجرحها

بكل قوه بتضربه

على صدره باديها الرقيقه



ودموع تغطي عيون بريئه

مد ايده يمسح دموعها

ويقولها سبتيني ليه

نسيت كل شئ حصل


وبكل لهفه مسكت ادبه

وعشان دا وعد

في النهايه

مات الاحبه ف حزن بعض

\*\*\*



بعد بعدك والغياب

اللى طال

والرجوع اللى أصبح

شئ محال

وإنت وحدك كل يوم بتقول لنفسك

نفس السؤال

كم حد فاكر ذكرى حلوه

بينك وبينه

كم حد عايش بعد منك

قتله إحساسه بجنينه

كم حد بعدك

عاش كل عمره

انتظار





وسنين مرار

مستنى يوم ترجع إليه

كم حد هايم ويا طيفك

بيناديه

وانت ف الدنيا وحيد

كان الجواب جواك أكيد

حبيبتى عايشه مستنيانى

وسنين كثير عايش تعانى

من غير أمل إنك تعود

تعدى سد

تلقى قصادك كثير سدود

لكن عشانها جواك إراده

جواك مصمم إن إنت ترجع

وعنيك تدمع

مع كل ذكرى



مع كل فكره

مع كل نظره من عنيتها

شفت جواها إبتسامه

وكل مره تحس فيها بالنهايه

تلقى صورتها

ف عنيك علامه

إن إنت لازم ترجع اليها

ولكل حد

عشت معاه ذكرى جميله

وحبك بجد

وسنين طويله مرت عليك

ماين أمل

وشعور غريب لا يحتمل

باليأس والخوف والضياع

جواك صراع



أفضل معاند ولا أموت

وف وسط صمتك والسكوت

اللى محاوطك والمكان

لقيت أمل وطريق جديد

واللى كان عنك بعيد

خلاص هتقدر تلمسه

وتحس بيه

خلاص يا دنيا مش هقول

اللى حصل إزاي وليه

أول قرار بعد الرجوع

إنك تشوف

حلم عمرك وجوا منك

إحساس بخوف

خبطت ع الباب

القديم



ونبض قلبك

أعلى من صوت خببتك

عرفت إنك

خلاص رجعت لسكتك

وبعد صمت إستمر

وقلب عاش عمره إنتظر

لحظة لقا

الباب فتح

واحد بيسأل إنت مين

بعد صمت وإضطراب


قلت إسمها

وسألته طيب هي فين

فجاء ظهرت قدام عنيك

بتقوله معلش لثواني

قالتك غبت كثير قوى



وخلص بقيت لحد تانى

فى اللحظة دى حسيت

إن إنت فى الدنيا وحيد

والمره دى وبارادتك

قررت إنك

تكون بعيد بعيد بعيد





لحظه فارقه فى الحياه  
فيها تفاصيل اللى كان  
حتى لو كان حلم شافه  
من زمان  
واتنسى وأصبح سراب  
كل شئ أصبح قصاده  
اللى باع واللى ضاع  
واللى جوا الزحمه غاب  
واللى مات  
كل صوره شافها مره  
جوا ألبوم ذكريات  
كل فكره جت ف باله  
وكان ناسيها



كل ذكرى عاش جماها

وحن ليها

شريط طويل قدام عيونه

فيه حياته كلها

أول مره حب فيها

أول بنت ..... حس بيها

ومال لها

أول مره أخذ قلم

لما خالف النظام

حتى أول مره فسر

فيها إيه معنى الكلام

شاف حياته م البدايه

لما كان طفل وبيحبي

ولما كان يلعب ويغلط

كل مره وكان ينحبي



والكابوس

اللى كان دايمًا يجيله

والقلق والإكتئاب

أول ذنب

عمله ف حياته

وأول مره تاب

أول حلم حلمه ف حياته

وحققه

وحد كداب صدقه

علشان برئ

وأول مره حس فيها


يعنى إيه شر الطريق

أحلى قصة حب عاشها

وإنتهت من غير سبب

أول قصه فيها حيره





وفيهَا غيره..... والغضب

أول مره كتب رساله

أول جواب ليه إنكتب

كل مره كان بيغضب

بعدها بيكى ويندم

كل حد عاش عشانه

وكل إحساس إتكتم


كل مره

خانه إحساسه وتاه

لحظه فارقه ف الحياه

فيهَا تفسير الحياه

\*\*\*



مش كل شئ

ممکن یکون فی یوم بکام

تقدر ف یوم تشتري الحق والخير

والسلام

طيب بکام تشتري

کلمه رقيقه طيبه

ف وسط الكلام

طيب بکام

راحة البال والهدوء

واللى نفسه ف حاجه حلوه

بس مش عارف يدوء

واللى عايش عمره كله



## حنين وشوق

انه يسمع بس كلمه عن اللي غاب

واللي قضى عمره كله ف اکتئاب

يقدر ف يوم يشتری

ولو ابتسامه

واللي جوا حرب دايره

يقدر ف يوم يشتری

لنفسه السلامه

واللي معندوش كرامه

يقدر ف يوم يشتری لنفسه الكرامه.

\*\*\*



## أسوأ ما في الانسان

أسوأ ما في الانسان

بيان

وهو ماشي ف سكتة

سوء نيته

أنانيته

وحاجات غريبة

ممکن تغير خلقته

طمعه إلی زاد

عن الحدود

حبه وميله للخلود

مع ان فوق الارض دود

زي ما تحت الارض دود

نظرة عينه لما تحسد



وانه ما يجبش يشوف

فضل ربه عند حد

وانه دائماً يستلف

بس مش ممكن يسد

أسوأ مافي الانسان

لسان

سابق بيانه

أسوأ مافي الانسان جنانه

واتزانه

إلي بيضيع بس لما

حد يلعب له في ودانه

أسوأ مافي الانسان

زمان

هو نفسه

أسوأ مافيه النهارده



بيحب وردہ

بس يقطفها بأديه

ولما تدبل

ولا يزهد من جمالها

فجاءه تزهدا عنيه

وياريتہ

أسوأ ما في الانسان

شعور بالاضطهاد

والعناد

إليّ بيسيطر عليه

أسوأ ما في الانسان

جوا افعاله تلاقيه

أسوأ ما في الانسان

شعوره انه طيب قوى

وان كل الناس عليه



## والغريبة

ان محدش يوم سلم

من لسانه ومن اديه

أسوأ ما في الانسان


بيان

لما يغضب

واللي كان طيب مؤدب

فجاه يتحول شيطان

\*\*\*



بدعيك يارب تهديني

وتكفيني

هوى نفسى وظلم الناس

وإحساس يأس مع حيره

وغيره تغير الإحساس

وتكفيني

مجرد فكره فيها الشر

مجرد لحظه طعمها مر

مجرد كلمه تاذيني

وتكفيني

شغور بالخوف

من المجهول

وليل بيطول





من التفكير

وهم كبير

وتكفينى

شرور

الغيب

وانى اكون

فى وسط الناس

وحيد وغريب

وجرح يارب مش بيطيب

وتكفينى

ظلام فى القلب

وظلمة نفس

من أثر الشعور بالذنب

وتكفينى شعور بالحب

يبعدنى



يارب ف لحظة عن حبك

وعن بابك

ويبعدنى

عن الانس بأحبابك

وتكفينى

شر الكبر

لو حتى مهوش ظاهر

وشر اللى عمل نفسه

من الصالحين

ولكن بس فى الظاهر


وجوا القلب مش ظاهر

وتكفينى

كلام الناس

وظن السوء

وكلمة ظلم



تجعلنى آبات مخنوق

وتكفينى

من الاخبار

خبر مشئوم

وتكفينى عن الحرمان

ولا غيرى يكون محروم

وتجعلنى أعيش اليوم

وفى صحيفتى

عمل مقبول

وكل الشر من قلبى

يارب يزول

وتكفينى

هوى فى النفس

ضيع غيرى

من خلقك



وعيشة ضنك

لو أعرضت عن ذكرك

وعن شركك

وتكفيني

حنين في النفس

لشيء عمره ما كان مقسوم

وتكفيني ألام وهموم

وإني ف يوم أكون محروم

يارب في لحظة من ذكرك

ومن إني


أكون يوم لك

وتكفيني

شر نهاية العاصي

وشرة غفلة الناسي

\*\*\*



## بفتكرك جدا

بفتكرك جدا وقت الحزن  
وكأني بعاتبك على بعدك  
قلتيلي بحبك طيب ليه  
سبتيني أتعذب من بعدك  
كم مره وعدتي وكان وعدك  
أشبه بخيال  
كم مره نسيتي كلام قلناه  
وكأني مكنتش يوم ع البال  
أنا ليه في غيابك مش قادر  
أفرح وأعيش  
ليه دائما بستني رجوعك  
وإنت ما بتجيش  
كان حلم جميل



عشته معاكى بس خساره

م الحلم صحيت

كان أكثر حاجه إتمنيتهها

إنك دايمًا تفضلي جنبى

وياريتنى فى عمرى ماتمنيت

ولا كنت حلمت

بندم على إنى ف يوم شوفتك

مع إنك لو مش موجوده

أنا كنت ندمت

أيوه إستسلمت .....ومش قادر

أبعد عنك


أنا حاسس إنك جوايا

وإن أنا منك

أنا دايمًا شايفك علشانى

وبشوفنى ف عينك حد غريب

إحساسى بجبك مش معقول



وشعورك نحوى بجد عجيب

إحساس غامض ملهوش تفسير

كان حب كبير

شايفه ف عينك

مرسوم بالدم على جبينك

مكتوب جوايا وجواكى

بس إنت نسيتى اللى ما بينا

إنما أنا مش قادر أنساكى

وكأنك شئ كان منى بجد

وبقسوه إتشد


وكأنك وعد

مكتوب على قلبى يعيش جواه

مسجون ف حنينه وأشواقه

ويتوه لو تاه

\*\*\*



## هربان من ايه

هربان من ايه ف حياتك

مش عايز ترجع ليه

إنسان جواه مقسوم

جواك شئ مش مفهوم

إحساس نفسك تداريه

أو يمكن غصب عنك

تايهه نفسك جواك

فيه حاجات للماضي بتشدك

وشعورك يترجاك

إنك تهرب لبعيد

تتحول واحد تانى

ذكرى جواك بتقول لك

إزاي قادر تنساني

بس مجرد تفكيرك





فى حاجات مش ملك إيدك

ضاعت منك ف الدنيا

إحساس صعب مخليك

عائش مقسوم إثنين

واحد مسجون ف مشاعره

والتانى هربان منها

مش عارف رايح فين

لكن من نفسه بيجرى

والذكرى بتجرى وراه

ينساه الماضى يعيش

يفتكراه حياته تنساه

ف الآخر قرر إنه

يفضل عائش مش هو

إنسان عن نفسه غريب

هربان من واحد جوا

كان رافض إنه يسيب





## كنت بصيت للنهايه

عايش حياتك سفر

وطريق طويل بتكمله

تجرى عيونك مجده

ومغمضه

وكتير ألم

تقول أكيد هتحملة

وههحوله

لشئ جميل


مع كل خطوه ع الطريق

بقيت قريب م المستحيل

بعد التعب

شايل تراب السفر

من ع الجبين



عائز تشوف إنت فين

ورغم هدفاك النبيل

فتحت عينك إكتشفت

إن الطريق اللي إنت فيه

طريق بديل

وبكل حسره إبتسمت

وعنيك على آخر الطريق


تأمله

وتقول ياريت

كنت بصيت للنهايه

وأنا كنت لسه ف أوله





لو غبت عن الوعي ثواني  
قمت لقيت نفسك مش إنت


واحد تانى

نفس الصورة ونفس الهيئه  
لكن مش نفس الإحساس  
كل الناس اللى إنت عارفهم  
بقوا ف عنيك مش نفس الناس

والأحداث

اللى كانت بتأثر فيك  
بتمر عليك وكأنها طيف  
فجأه إتغيرت بشكل مخيف  
تخيل لو بقيت

مجرد خيال



وفى لحظه بكيت

لحالك وحال

كل حد حاسس

بشيء جوا قلبه

ومش قادر يعبر

كل حد عايش

مخنوق جوا نفسه

ومش عايز يفسر

تخيل لو بقيت

مجرد سؤال وملهوش إجابته

أوعصفور صغير جناحه ضعيف

وعايش فى غابه

تخيل لو بقيت مجرد سحابه

وفى لحظه بتسأل

عن تفسير اللى بيحصلك




وقلبك يدلك

ماهو يا انت إتغيرت يا إما

الدنيا بتتعامل مع ضلك





أيوه انا دايمًا بعاني  
في غيابك م الحنين  
شوق غريب بياخذني ليكي  
ألقي نفسي  
قلبي وروحي مسلمين  
أيوه انا دايمًا بعاني  
بعد منك  
م الوحدة والخوف والسكات  
أيوه انا لو غبتي عنى  
بقضى حياتى مسكنات  
أيوه محتاج طبطبه  
محتاج إديكى الطيبه  
تمسح دموع الحزن  
جوا قلبى المكتئب



تحميني من نفسي

وقت إنفعالي والغضب

محتاج إيديكى تمسك إديه

ألاقى خوفى بيختفى

محتاج لقلب يكون وفى

يحسنى ف صمتى وكلامى

كان نفسى إنك تعرفى

إن انت جوايا الحياه

وإن قلبى رغم ضعفه

عاش لقلبك وإشتراه

وإنه بعدك عاش غريب

جوا إحساسه وتاه

وفى النهايه نفسى أقول لك


الحب فطره ومسأله

محسومه جوا أى قلب

حتى لو حاول يعاند

لازم هيجى يوم يجب





هو انتی لیه دایما کده

متردده

ورغم السكون اللى فى عنيكى

جواكى روح متمرده

يوم ما بتقولى بچبك

بتبقى مش متاكده

ساعات بتبقى

زى النسيم بيرد جوايا الحياه


زى حبات الندى

وساعات بتبقى

لغز مش عارف مداه

وساعات بتبقى

بين ده وده



الأرض مفيهاش ملايكة  
وياريت يكون فيها بشر  
الأرض صبارها إشتكى  
من مُر صبر اللى صبر  
عصفور صغير فى الفضاء  
فاضت دموعه وإنكسر  
لما الحياه ضحكت عليه  
وف لحظة صياده أسر  
ونبض قلب اللى عشق  
داير ونفسه يلاقى بر  
داب جوا حب ملوش حدود  
وعمره ما يوم إستقر  
فى نهاره سرحان ف اللى غاب



و فى ليله بينا جى القمر

ونهايه الأمر اکتتاب

على عُمر جى و عُمر مر

لا حاجه كملت فى الحياه

وكل من فيها خسر


إظهر سداجتك للجميع

هتلقى 100 مليون غدر

لا الشرف فى مره إنهمزم

والخير بيحلم ينتصر





## غير لها بشوفك

هو أنا ليه بحتاج لك دايمًا

وبشوفك كل الناس فى عنيه

ولما تغيبي بحس بوحدته

حتى لو العالم حواليه

بملك كل الدنيا فى إيدى

لو إيدك مسكت فى إديه

هو أنا ليه ما بشوفش سعادته

غير لما بشوفك قدامى

طاب ليه لما بنام ما بشوفشى

غير صورتك بس فى أحلامى

وآجى أتكلم فجاءه ألقى

إسمك سابق كل كلامى



طاب ده ممکن ولا أنا بچلم

ولاده شیء ملهوش تفسیر

إحساسی معاکی دا شیء تانی

ایوه أنا حاسس بالتغیر

أنا مش أنا ولا ده کان طبعی

لیه بقیت بتعصب وبغیر





## العيون الحزينه

نفس العيون الحزينه

كانت بتضحك فى يوم

مين فينا ممكن يصدق

إن القلوب البريئه

تغرق فى بحر الهموم

ضحكتها كانت علامه

معقوله أحلى إبتسامه

مكانها يصبح دموع

فى لحظه واحده تسافر

نستنى ومفيش رجوع

كل الحاجات الجميله

فى الدنيا لازم تغيب

معادله صعبه ما بينا

يا تسبينا يا حنا نسيب



## فضلات أحلم

فضلت أحلم بيكي

أكثر من عشرين سنه

وف كل حلم أبكي وأصرخ

وأتمنى لحظه تضمننا

وأحكي حكايه كانها

هي الحقيقه

الوحيد ف عمرنا

وحاجات بسيطه علمت

ف القلب علشان صدقها

ورغم السكوت إتكلمت

وبضعفها

أحلامنا هربت منا

أنا كنت فاكر للأسف



إن الظروف

هي اللى قتلت حبنا

من خوف لخوف

مرت سنين

وأنا نفسى أعرف إنت فين

وأيام بتيجى وأيام تروح

وجروح جديده صحت جروح

وفى النهايه إكتشفت

إن إنت مش فإكرانى أصلا

هو إنت فعلا حبتينى

ولا انا جوا الحكايه

مكنتش أنا

\*\*\*





## نفسى أكون

أنا من زمان

وأنا نفسى أكون

حد تانى بقلب تانى

قلب أصلب م الحديد

قلب مش ممكن يعانى

قلب ما يحسش بجد

قلب بينى جوا منه

ألف حيطه وألف سد

قلب ما يحسش بجد

قلب يدى فى لحظه واحده

ألف كلمه والى وعد

قلب يلعب بالمعانى

بس يا مليون خساره



مش بإيدى الإختيار

والنتيجه قلب عانى

حيره جواها إنكسار

والمرار

اللى بعده الإكتئاب

والنهايه

قلب بيعانى بضعفه

النهايه قلب داب


والعذاب إنك تحس

وسط ناس ملهاش قلوب

خللى قلبك ف الحياه

علشان تعيش ينبض يا دوب





نفسى فى يوم أبقى أنا

بقالى أكثر من سنه

ويمكن سنين

فاتت وأنا

نفسى فى يوم أبقى أنا

مبقاش مجرد ضل

لحد مهما يكون

مبقاش مجرد رسم

لوحه وناقصنها اللون

نفسى أكون زى ما أنا

عاقل ساعات

وساعات كتير مجنون

نفسى أطير ف السما

نفسى ألف الكون



نفسى أشوف الدنيا من بره

نفسى أشوف أحلامى تتحقق

ولو مره

نفسى أعيش أيامى

ولو قليل حلوه

ولو كثير مره

نفسى فى مره أثور

على كل شئ جوايا يخنقنى

نفس أحس وإحساسى يصدقنى

مبقاش مجرد دور


أو صفر فى معادله

تبقى الحياه معايا

معدوله أو عادله

أنا ليه أعيش مقهور

أنا ليه أعيش



کاتم جوایا أحلامی

ولیه أبقى مجرد حرف

ملوش معنی

ومتصور ف أوهامی

ولیه أبقى مجرد سهم

ومستنی واحد یرمیه


ولیه أبقى مجرد وعد

وأستنی ومش بلاقیه

نفسی اکون زی مانا

عایز اکون





إزاي بتقدر تبتمسم  
وإنت من جواك حزين  
ورغم إحساس السعاده  
اللى تاه  
ورغم جرحك واللى أنا  
عارف مداه  
بتقدر تداوى المجروحين  
ورغم إحساس الحياه  
اللى غاب  
والامل اللى كان جواك  
وفجاه التحول سراب  
وقلب داب هجر وحنين  
إزاي بتقدر ترسم الفرحة



وتسعد قلوب المحرومين

إنك تكون زى القمر

تعكس النور والجمال

شئ مستحيل


إزاي بتقدر

تعكس الفرحه لغيرك

إزاي بتقدر تبسم

وانت فى دور البديل





أنا دائما عكس اللى بيحصل

أنا بضحك وأنا جوايا كئيب

بفرح لحظة ولحظه بفكر

يقلب تفكيرى بتأنيب

أنا ليه بفرح ..... وأرجع تانى

أحزن وأتأثر وأعانى

وبلف فى دايرة تعذيب

بتحرك واجرى عشان أوصل

وأنا جوايا واقف ثابت

والفكره تخبط على بابى

أمسك فيها القاها سابت

عايز أتقدم ألقانى بارجع


أجى أفرح ألقانى بدمع





قلبي يحب ويعشق فجاه  
ونفس اللحظة عقلي يسيب  
عقلي وقلبي عكس عكاس  
وأنا بينهم حاسس بالغربه  
أنا فعلا عن نفسي غريب

\* \* \*



متأكد إن اللى بيحصل

مش دور مكتوب؟

أو فيلم قديم وبيتكرر؟

نفس الأحداث وبتتصور

تقريبا نفس اللى بيحصل

أنا شايفه يادوب

كده من كم يوم

واحد مزنوق جوا الاتوبيس

واحد باع نفسه وتمنه رخيص

واللى مرتبه قرب يخلص

وقاعد مهموم

والراجل الشيك اللى بيكذب

فى التلفزيون



نفس الصورة ونفس الهيئه

ويقلب مع كل مقابله

أكثر من لون

والست الخاينه وزعلانه

إنها بتخون

والبنت الحلوه اللي بتحلم

إنها تتحب

والطفل اللي بيكي بجرقه

ومعندوش أب

والناس اللي بتكذب دايمًا

بقي طبع وعایش جواهم

إدمان الكذب

والحرب دي شايفها إمبارح

بين حد وحد



والناس بتموت طاب ده تمثيل

ولا قلب جد

والعالم أصبح مستسلم

تقلب تلقى الناس بتغنى



ولا حد على خطيئته بيندم

ونهايه القصة وببساطه

فيه ناس عايشين جوا الدنيا

كومبارس ولكن متكلم

\* \* \*



الديب يقول للتعلب  
بيقولوا عليك مكار  
ضحك التعلب وإستغرب  
إزاي يا صديقي تصدق  
دي إشاعه طلعتها حمار  
قاله طاب إديني أماره  
إنك طيب وأمير  
قال بس تعالى معايا  
أنا هاخذك عند البير  
فيه وجبه كبيره ودسمه  
الديب من جوعه إتسرع  
وافق من غير تفكير



نزل التعلب ف الأول  
على جبل وليه طرفين  
التعلب قال للديب  
إنزل يا صديقى بسرعه  
دى وجبه تكفى إثنين  
إمسك فى الطرف التانى  
م الحبل أنا مستنيك  
أجمل احساس يا صديقى  
إنك تبقالى شريك  
واهو طب خلاص فى البير  
والتعلب هب لفوق  
وف لحظه إكتشف الديب  
إنه فى البير مزنوق  
الديب قال له أنا مستغرب



معقوله خيانه ما بينا

جوا عالم الأشرار

التعلب قال له يا صاحبي

غدار بيخون غدار

\* \* \*



## شوف كمر قلب إتظلم

أيوه الجمال بيسحر

والسحر له علامه

أجمل عيون تشوفها

وأجمل إبتسامه

بتوزع الأمل

على كل حد شافها

لفتت نظري بسكونها

من كتر شوقى ليها

كان نفسى أعرف ظروفها

بعد تردد طويل

شئ شبه المستحيل

قربت منها مره





قلت إزيك وخفت

إني أسمع كلمه مره

بكل زوق ورقه

ردت قالت سلام

حالي وكأني أول

مره أسمع كلام

معقوله فيه كده

حسن ورقه وجمال

من أول كلمه منها

قلبي إتعلق ومال

قلت لها لو سمحتي

نفسى أسال سؤال

قالت مستعجله

لو ينفع وقت تاني

قلت ممكن أشوفك



همستلى بالقبول

يادى الشوق اللى جانى

أجمل إحساس فى عمرى

وأنا مستنى أشوفها

بصحنى أتخيل عنىها

وأنا أحلم بطيفها

وسبت الدنيا خالص

ورحت فى دنيا تانيه

فضلت أحسب معادها

ثانيه من بعد ثانيه

وجه وقت المعاد

وأنا قلت مستحيل

إنى أشوفها تانى

ضاع إحساسى الجميل

وبدأ الوقت يجرى



وهي ملهاش أثر  
أنا قلت يلا أمشي  
و قلبي بيتعصر  
وغريبه لقتها جت  
من كتر فرحتي  
إيدي إترعشت وتهت  
وفنجانى إتكسر  
قمت أسلم عليها  
وروحى سلامت  
وخلاص بدأنا نحكى  
أتكلم وإتكلمت  
وبان إحساسى بيها  
من أول لحظه حب  
جرمان فى البعد عنها  
و قلب بيتمنى قرب



قلت لها شعوري بيكي

إنك دائما سعيدة

وفجأه لقيتها سكتت

وفى عنيتها دموع عنيده

قلتها إتكلمي

وإحكي إيه اللي تعبك

نفسى أسمع دموعك

نفسى أدخل جوا قلبك

معقوله عيون جميله

تبكى بالشكل ده

فضلت ساكته شويه

فضلت متردده

بدأت تحكى الحكايه

وإزاي فى الدنيا عانت

وإزاي الدنيا قاسيه



وازای حیاتها کانت

وسر دموع عنیها

بان والحسرة بانن

کثیر بنشوف جمال

ونعیش ویاہ الفرخ

بس أما نحس بیه

بنشوف حد إنجرح

فیه ناس کثیر بتضحک

وجواها ألم

دور ورا کل ضحکه

شوف کم قلب إتظلم

قلتلها غریبه جدا

إزای ملنا لبعض

وف وقت مهوش طویل

بقی بین قلوبنا وعد




أنا حاسس إني منك

وإن إنت جوا دمی

وعرفت قبل منك

كان لیه همك وهمی

\* \* \*



إتعلمت أندم

مش أكثر من فكره وذكري

مكتوبه ومسيري أمسحها

مش أكثر من حاجه هسيبها

ومش عايز حتى أودعها

مش أكثر من ماضي أنا عشته

ومصمم إن أنا أنساه

مش هو اللي أنا عشت عشانه

ولا هو اللي أنا بتمناه

الصوره الحلوه اللي إترسمت

في خيالي أهى طلعت وهم

يا ما بكيت ياما إترجيت

رد رجائي بحيره وهم

وأديني إتعلمت أندم



على غلطة عمرى وأيامى

على فشلى فى تفسير أحلامى

وأدينى بطلت أحلم

نقطة ضعفى هى شعورى

وجريمتى إحساسى بغيرى

وضميرى

نقطة ضعفى إن أنا إنسان

فاكر إن الناس بتحس

وإنك ممكن تلقى حنان

جوا قلوب من صخر أصم

ناس شكلها من لحم ودم

لكن من جواها حجاره

ناس تديها عمرك كله

وترجع تانى تقول يا خساره





وتعيش جوا الحب هوان  
وتدوق طعم الحب مراره  
بنكبر أوهام جوانا  
من لا شئ وبنصنع شئ  
وبنبنى بأوهامنا طريق  
وبنفرشه للشوق والحب  
وهم يسيطر على إحساسنا  
ونصدق واحنا بنكذب  
إيه جوانا بيخلينا  
نخدع نفسينا بنفسينا  
ونعيش جوا سراب ونصدق  
إيه الشئ اللى يودينا  
لحبال الهوى كده نتعلق  
وإحنا وحظنا فى الدنيا دى



يَمُكِنُ نَرَجِعُ يَمُكِنُ نَفْرَقُ

فِيهِ تَجَارِبٌ مِنْهَا بِنْتَعَلِمُ

لَوْ شِئْتُ مَحْتَاجُهُ لَأَزِمُ تَبْعُدُ

عَنْهُ وَتَنْسَاهُ

وَأَوْعَى فَيَوْمٍ تَضْعَفُ وَتَسْلَمُ

أَوْعَى تَشُوفُ فَيَوْمٍ عَيُونُهُ حَيَاهُ

\* \* \*

## لو نبقى صحاب

الفار بينادى على القط

إيه رأيك لو نبقى صحاب

وتسبني أعيش جنبك آمن

نبقى إيد واحد على الأعراب

أنا عارف إن أنت الأقوى

وإن أنا جنبك حد ضعيف

وبشوفك دائما ف عنيه

شئ مرعب جدا و مخيف

لكن مصلحتي ومصلحتك

لو إيدي تتمد لإيدك

يمكن أحتاجك أنا عارف

لكن برده أنا ممكن أفيدك

رد القط بكل غرور



میں انت بس یا حیوان

إزای تبقى صديقى للحظه

أومكن يجمعنا مكان

فيه فرق كبير فى الدرجه ما بينا

عيش على قدك شوف أنا مين

لو شفتك قدامى لثانيه

بسنانى هجيبك نصين

الفار سابه ومشى غضبان

وإستغرب كلمة حيوان

قال ما القط كمان حيوان

مرت أيام وليالى طويله

وف ليله

كان ماشى الفار

شاف القط قدامه كلب

والقط واقف مختار



مش عارف إزاي يتصرف  
بيقول لو واحد ينجدنى  
نفسى الأقى صديق دلوقت  
فى الشده ممكن يساعدنى  
بسرعه الفار من فوق التل  
ف ايده حجاره وكانت الحل  
حذف الكلب وغير صوته  
خاف الكلب ميزانه إختل  
من خوفه الكلب طلع يجرى  
وما شفش مصدر تهديده  
لو كان بص لفوق التل  
كان شافه وحجاره ف ايده  
وقف الفار قدام القط  
والقط مليان بالخوف



لساك فاكر إنت الأقوى

شوف من خوفك كده كم تسوى

هز القط دماغه بحسره

قال له أنا شاكر ع المعرف



وعرفت ان لكل الخلق

نقطة ضعف ونقطة قوه

وعرفت إن أنا لازم أفهم

إن أنا مش أحسن من هو

\* \* \*

## تعرفى

ليه الحياه متبسمه

والضحك ليه أصبح سمه

بس النهارده

عشان عنيكى الملهمه

رضيت تبص للسمه

ومهيش معانده

طاب تعرفى

ليه الزهور كده فتحت

وليه الغيامه روحت

والشمس طلعت صبحت

كده ع الحياه

وليه الغصون كده ميلت

وليه الطيور اطمنت

وليه الطبيعه صممت



يرجع لها الفرح اللى تاه

علشان شفايفك قررت

أعظم قرار

نشوفها مره بتبتسم

والحزن قرر الانتحار

طاب تعرفى

ليه القلوب متعلقه

ومتشوقه

كده لابتسامتك

وليه فضلنا كلنا

نهمس لصمتك

وليه أنا وبالذات أنا

جوا إحساسى رسمتك



عشان السعاده يا حبيبتى

فى الحياه ملهاش وجود

إلا فى صورتك

\*\*\*





إنت اللى مهما بعدت

برجع لها

ومهما صوتنى إتكتم

إحساسى يوصل لها

ولو داقت الدنيا

وباعوا الناس

ما يسعنيش فى الدنيا

غير حضنها

إنت اللى مهما سكت

بتحسى أحزانى

وإنت اللى مهما عملت

دايما مسامحانى



حتى وأنا الجاني

بتيجي على نفسك

وبتصنعيلي الأمل

وتدوسي على ياسك

كنت أنام وإننت

بتحسى أنفاسي

كنت أنا اللي أغضب

وتبوسي على راسي

وكنت بتواسي

في كل لحظة ألم


وياما شلتي الهم

من غير ما تشكي لحد

ياما كنت بتضحى

ولا إنتظرتي رد

\* \* \*



## أنا الغلطان

أنا راجع وأنا ندمان

وسامحيني أنا الغلطان

أنا اللي جرحت إحساسك

وسببت الفرح للأحزان

رجعت بشوقى وحنينى

رجعت عشان تسامحيني

وأملى إنك تخلينى

أعيش إنسان

عارف باني أستاهل

وبعت الحب بالساهل

وكنت بالهوى جاهل

أنا ندمان

يا أغلى حب جوايا



ياروحى وقلبي وهو ايا  
لو ليا فى الحياه غايه  
أكون وياكى يا عمري  
وأعيش فى أمان  
ياريت قلبك ف يوم ينسى  
ولا يكره ولا يقسى  
خلاص حبك بقى المرسى  
وأهون لو هان  
أنا اللى عملته كان جارج  
وبعت بكره وإمبارح  
يا قلب كبير وبيسامح  
بلاش حرمان  
معاكى الدنيا ضحكايه  
رفعت ف حبك الرايه  
يا أحلى أميره فى حكايه  
وكان يا ما كان



## أدوار مرسومه

عاشين علاقات مش مفهومه

ومشاعر تايهه و مقسومه

بنحب ونعشق ونحبي

أحاسيس مجروحه و مكتومه

سالب موجب كده متوصل

دا حقيقى ولا اللى بيحصل

فى حياتنا أدوار مرسومه

كم مره نحب ونتعذب

ومشاعر عماله تتقلب

مره معاكى مره معاها

أيوه إنت اللى أنا بتمناها

لكن فكرى مش مترتب



ف عنیکی بشوفها وبشوفک

ف عنیها وبتأمل طیفک

بعشق رقتها وطیبتها

وبتأسرنی بابتسامتها

لکن أنت ساکنه ف إحساسی

وعاحبنی غیرتک وکسوفک

بس غریبه انی نسیتها

والأغرب برده انی نسیتک

أنا مستغرب جدا طیب

إزای حیبتها وحیبتک


فی حیاتنا أحداث مرتبکه

علاقات معکوسه ومتشابکه

بنحب وبنرجع نسی

معقوله القلب الی إتحیر

وإتعذب کده یقدر یقسی



كم مره فى حياتنا عشقنا

من سنه أولى لحد الجامعه

كم مره إتعدبنا وذبنا

وف كل حكايه كم دمعاه

وأهى فى الآخر بتكون ذكرى

كم مره قربنا وسبنا

\* \* \*



## عنيكى الكدايين

أنا كل ما ياخذنى الحنين

ناحية عنيكى الكدايين

أحس قلبى بينجرح

وأكره دموع العاشقين

ليه كل ماسرح فيكى أبكى

ونفسى ليه لنفسى تشكى

وليه دموعى حيرانين

بس الدموع المخلصه


لازم تكون للمخلصين

كان نفسى أبقى حر بعدك

عايش ما بين قربك وبعدك

تايه ما بين فرح وأنين





كل أما أحاول أكرهك

قلبي يقولي تحب مين

عائشه في قلبي وف جوارحي

وف كل مره تزيد جرحي

وانت جماد ما بتشعريش

قالوا اللي بتحسه يحسك

وتلقى نفسه جوا نفسك

ويعيش مع صمتك وهمسك

طاب ليه أنادي ماتسمعش


على عنادك إستمري

هيبجي يوم وتدوقى مري

معادش يفرق جوا مني

إنك تروحي ما ترجعش

\* \* \*



على قد ما أنت طيبه

على قد ما أنت تجننى

شايفانى دايمآ متهم

وف كل حاجة تخمنى

وعايشه كثير فى أوهامك

ويبقى الحق قدامك

وماتشوفيهوش

قلتى إنسى إنى أرجعك


وقلتى مشاعرى ومشاعرك

مايتقابلوش

بقيتى عايشه موهومه

وأنا مهموم

مابين نفسى وأوهامك



بقیت مقسوم

بقیت أسکت وأقول حاضر

عشان أرضيكي مش أكثر

وأقول يا نفسي لو نصبر

جایز فی لحظة تتغير

جایز تشوفنی من جوا

وتعرف إني مش بكذب

وتعرف إني اللي جوايا

أكبر من إنه يترجم

بكلمة حب

\*\*\*



## حياه خاليه من الإحساس

كثير بضحك على نفسى

عشان ف الدنيا دى تكمل

بشوف الناس بتتلون

وكله ف كله بيخون

ولازم برده أتحمّل

وأقول إن الحياه ماشيه

عشان تمشى

وأحلامى أحايلها


عشان تكمل ماتكملشى

حياه خاليه من الإحساس

وناس فيها مهماش ناس

وكلمه زمان سمعناها

بمعنى ضمير



ودلوقتی بدون بمعنی

ولا تفسیر

كأن الخلق دی حجاره

ومفیش فی الدنيا حد برئ

وناس بتدوس علی غیرها

عشان لاشئ

لاجل الكره مش أكثر

وناس فی غیرها بتکسر


ودورها بس تئذی الناس

وناس قائمه بدور شیاطین

كأن الخلق دی بجالها

مهش من طین وراجعه لطین

\* \* \*



أنا ثابت والدنيا بتمشى

ولا العكس

طاب ليه القط ماشى بيطوح

بسأله قال ايه واخذ ماكس

وأبو قردان لابس برنيطه

والفيل إزاي راكب تاكس

والأغرب الفار بيشاور


عايز يركب جنب الفيل

والكلب نزل من الأتوبيس

قال علشان يشتري مناديل

والديب والكلب بيتمشوا

داخلين مطعم قال يتعشوا



وقابلهم خارج م المطعم  
التعلب ومعاه أصحاب  
قطه وبطه ووزه جميله  
كانوا واقفين عند الباب  
الديب إستاذن م الكلب  
قاله هكلم صاحبي التعلب  
ماتي جي معيا معاهم نسهر  
قال لا ياعم أنا شخص مؤدب  
رد الديب وكان مستاء  
يا صديقي إلا الأخلاق  
ليه كدا كبرت الموضوع  
أخلاق التعلب معروفه  
واللى معاه بنات عائلات  
شوف القطه إزاي مكسوفه  
والقرود ماشي مع غزاله



وواخذها جوا شارع عتمه

فجاه إستنت بصت بصبه

سابت إيده وراحت شاتمه

والنمر أهو قاعد ع القهوه

بيلعب طاوله ويا حصان

عدى الفهد قاله تعالى

قاله هروح أصلى جعان

والتعبان كان ماشى فسلم

على عصفوره

بص لصاحبه قاله إتعلم

قال على إيه شكلها مغروره

\* \* \*





لكل إنسان فى الحياه

كثير حكايات

حكاية عن عمر ابتدى

وعمر سرقة وفجأه فات

وحلم نفسه يحققه

ووهم عاشه وصدقه

وصوره جوا خياله عايشه

نفسه يقابلها ولو ثوانى

وطريق طويل كل أما يوصل

يلقى الطريق ف بدايته تانى

ويفضل يعانى

ومصبره طول الأمل

على اللى عايشه



واللى هيعيشه ف حياته

وف كل لحظه ينكسر

يرجع يللمم ذكرياته

يعملها قصه

ومش مهم يقراها

أهى حاجه بس تصبره

و يحس بنفسه جواها

عايز يقول أنا عايش

أنا موجود وبتنفس

أنا إنسان ومن حقى


أكون وأحس

وعشان حكايته تستمر

وعشان يأجل النهايه

كل يوم جوا الحياه

بيعمل حكايه



## عزيزى المهم

عزيزى المهم

وصاحب النفوذ

عزيزى اللى مش

ممكن يوم يعوز

عزيزى اللى يضحك

فى وش الكبار

وف وش الغلابه

يقابلهم ببوز

يا صاحب المعالى

وعالى المقام

حقوق الغلابه

إشتريتها بكام



ودمع اليتيم

اللى دست عليه

عشان يبقى عندك

حاجات مش مهمه

وعندك كتير

فى جيبك ولكن

معندكش ذمه

عزيزى الكبير

راح فى الضمير


مابتشلس هم

لو يوم شفت أم

بتبكى بحرقه عشان بس لقمه

لو يوم شفت طفل

عنده فقر دم



ياصاحب السعاده

وعديم الإنسانيه

الدنيا النهارده فى إيدك ولكن

الدنيا مهما طالت

أكيد منتهيه

\* \* \*



عزیزی الإکتئاب

بعد التحیه والسلام

وقلیل الکلام

لأنی مش قادر أتکلم

وبینى وبينك

أنا مخنوق وبتألم

كنت زمان کثیر بنسى


دلوقت الجرح بیعلم

لا قادر أنسى ولا

قادر فى یوم أظلم

عزیزی الإکتئاب

من آخر مره زرتنى



وأنا مختار

ليه الزياره طولت

ليه كل أصحابي فارقوني

وإنت الوحيد صديقي البار

دايما أنيسي في وحدتي

دايما معايا في سكتي

يغيب الناس وما بتغيب

ولو الحياه إتبسمت

بتتمسك ومش بتسيب

إخلاص عجيب

بينى وبينك

مالوش تفسير

علاقه غير قابله للتعديل

ولا التغيير



علاقتى بىك مهياش هم

ولا إحساس بوحدہ وضيق

علاقتى بىك علاقة دم

علاقتى بىك مهياش وهم

ولا تخريف

علاقة طفل

بات يحلم بوحدہ مخيف

وفى الآخر بقوا أصحاب

لدرجة إنه يستغرب

فى يوم لو غاب


عزيزى الاكئاب

فى نهاية الرساله

أنا شايف إستحاله

إن إحنا نفترق





وبقيت كثير بفكر

والعمر بييتسرق

فياريت نفضل صحاب

بس إحساس غريب


أنا لما كتبتك

بقيت مبسوط بمجد

معقوله الحزن غاب

راح فين الإكتئاب

\* \* \*



## مرسوم مدار

لكل شىء جوا الحياه

مرسوم مدار

وعمر يجرى لمنتهاه

مابين أمل وبين إنتظار

إيه فى الحياه مجبر عليه

يابن آدم وإيه إختيار

لكل مخلوق فى الحياه


شىء أقوى منه بيجذبه

ويشده ليه

مهما حاول عنه يبعد

غصب عنه يعود إليه

حبه كارهه مش مهم



شئ غريب ليه بيجذبہ

قربہ ليه شئ مش بايده

وبعدہ عنہ يعذبہ

ولكل واحد جوا نفسه

عالم غريب ملهوش وجود


يسرح معاه وينسى الحياه

ويعدى ليه كل الحدود

يمكن يكمل عمره عايش

جوا منه وممكن يعود

\* \* \*



عصفور و طائر فى الفضا

فرحان بيومه اللى ابتدا

وعايش سعيد

يلعب بجبات الندى

وبنور إلهه إهتدى

وتشوف سعادته تقول دا عيد

عايش بأحاسيس ملهمه


تشوفه باصص للسمما

وطاير بعيد

يرمى همومه فى الهوا

ونفسه يصاحب النجوم

عايش تكاله ع اللى خلقه



طب ليه يشيل جواه هموم

الدنيا ملكه باللى فيها

البحر والموج والشجر

بيدفى صبحه بشمسها

ويتغطى ف الليل بالقمر

مبسوط وراضى بالقدر

واللى مكتوب ع الجبين

عارف منين هوا إبتدى

ورايح لفين

ومنين ما قلبه يقول له روح

بياخده شوقه والحنين

يغسل همومه مع السحاب

ويغيب مع الطيف اللى غاب

لا عمره يوم استنى بكره

ولا حسب عدد السنين



## بقیت خایف

انا اللى دبت ف عنیها

وتتت ف بحرھا الواسع

وقلبى قاللى اتشجع

عیونى لقیتهما بتدمع

ونفسى تقولى لو نرجع

أرد علیها مش راجع

وجودھا ف دنیتى یفرق


بقیت خایف لا نتفرق

أنا ف عنیها آه بغرق

لكن من غیرھا أنا ضایع

بقیت من غیرھا أنا خایف

وغير نظرتها مش شایف



وغير ضحكتها مش سامع


صحيح الحب بيحير

لكن مكتوب ومتقدر

وجوا القلب متسطر

ملوش حاجز ولا مانع

\* \* \*



غريبه إنك تفرحي

وتبتسمي وإنك بتجرحي

القلب اللي حبك

قومي صلي واستغفري

يمكن في مره تقدري

كده تنسي ذنبك

قومي ادعي ربك


يمكن يسامحك

قبل ماييجي يوم تندمي

قومي شوفي جرحك

في قلب غيرك واتعلمي





ان الخداع بيحبيب خداع

والقلب اللى خان وباع

أكيد هييجى الدور عليه

واللى بعته

هييجى يوم وتدورى مش هتلاقيه

فى كل لحظة أنا كنت ليكى

كنت بحسك من عنيكى

وكنت قبل ما تنادينى

تلاقينى جنبك


أنا بس نفسى أسالك

كثير قولتلى كلمة بحبك

لكن خساره

كان نفسى إنك تثبتى

إن اللى جواكى بينبض



قلب إنسان مش حجاره

كان نفسى أمسح دمع عينك

كان نفسى أبوسك من جبينك

كان نفسى بس تعرفى

إنى مش ممكن أخونك

كان نفسى قبل

ماتسيبىنى تعرفى

بعد الفراق كم حد تاه

فيه قلوب كثير إتشوقت

والدنيا ياما فرقت

حاجات كثير جوا الحياه

بس اللى بيحب بجد

بيعرف يسامح

واللى عاش إخلاص فى حبه



قادر يشوف الحب واضح

حتى لو كان فيه ضباب

يقدر يشوف

دموع حبيبه بين السحاب

يقدر يحس بجد حبه

وقلب داب

بس الغياب ..... لو تعرفى

بين القلوب يعنى إنتحار


وأديك خدتى خلاص قرار

إنك تروحي

غيبى عنى لو تقدرى

تسيبلى روحى

\* \* \*



هي نزوه وتنتهي

هي شيء ملهوش وجود

هي بالنسبه لي فعلا

ذكرى ماتمناش تعود

والحدود

اللى بينى وبينها صارت

أعلى من كل الحدود


إنت فاكراه إن لسه

ليها جوا قلبى شيء

دا الطريق

اللى كنت مشيته ليها

دلوقتى مش هو الطريق



مستحيل يتقابلوا أبدا

حد خان وشعور برئ

أما إنت مستحيل

يبقى ليكى ف يوم يدىل

أيوا إنت يا حبيبتى

جوا قلبى فىن ما كنت

ياللى كنت

وسط موج عال سفيتى

وأما غبتى

الحاجات الحلوه غابت

والمشاعر الرقيقه

من الحنين والبعد دابت

شكلى ثابت

بس جوايا إنكسار

غيبى إنت



واقضى أنا العمر إنتظار

لما تبقى كل حاجة

لحد إوعى ترحلى

ف يوم وتسبيه


لما تبقى نبض قلبه

وتبقى عايشه العمر جنبه

إغفرى خطاه وذنبه

واحتويه

\* \* \*



جايه بعد غياب سنين

تسأليني إنت مين

لخصتي قصة حبي ليكي

وإنتظاري ف كلمتين

أنا اللي عمره ف يوم ما خانك

أنا اللي كان عايش عشانك

أنا اللي كان حافظ مكانك


جوا قلبه وعاش حزين

انا اللي بعد البعد داب

وعاش حياته سنين عذاب

صاحب ف بعدك الاكتئاب

واستنى فرحة يوم رجوعك



أنا اللي عاش عمره إنتظار

ما بين أمل وبين إنكسار

وكل ثانيه تعدى نار

تحرقتى وتنور شموعك

أنا اللي خدعنى إحساسى بكلمة حب

وقلبى إده احساسه وشوقه لقلب

سافرت معاه لآخر الكون

وفى الآخر راجع بدموع

من الآخر أنا المخدوع

\* \* \*





## هش قادر

وحشانی و مش قادر أقولك

يا حبيبتى انك وحشانی

أنا عایش أيامى بتالم

وآنا عرف إنك نسیانی

وعارف إنك مش علشانی

وعارف إن إنا مش مسموحلى

أتكلم وأصرخ وأعانى

لكن هفضل رغم البعد

شایل صورتك جوا ف قلبى

هفضل فاكر كلمه حب

هفضل أتالم وأخبى

أنا كان نفسى ف مره تحسى

إنك عایشه جوا شعورى



وإنك أقرب حد لقلبي

حتى وإن بقيتي لغيري

نفسى تحسى إن إنت ضميرى

أنا من غيرك إنسان غامض

وبشوف ف عيونك تفسيرى

لكن يمكن بعدك آيه

وحكايه تخلينى أشوف

إن الدنيا سعادته وحزن

والأيام بين فرح وخوف


ومفیش شئ ف الدنيا بيفضل

على حاله وأيام بتعدى

ممکن تاخذ من أحلامنا

لكن مش ممكن يوم تدى

\* \* \*



لما تبقى أغلى حد

جوا منى

لما تبقى جزء منى

لما تبقى شعور ملكنى

غصب عنى

لما تبقى صوت شجونى

و نور عيونى

لما تبقى طيف سكنى


لما تبقى فرحه ف حياتى الحزينه

لما تبقى الأمان وسط الطريق

لما تبقى لحن خدنى

برا ضوضاء المدينه

يبقى ليه مستغربه



إحتیاجی و شوقی لیکی

وإنی مش برتاح فی لحظه

غیر معاکی و بین ادیکی

وإنی مش شایف قصادی

غیر عنیکی

وإنی مجلم

إنی أکون دایما معاکی

وإنی أتنفس هواکی

\* \* \*



بيسألونى إنت مين

وإيه خلاك واقف ف الصف

لقيت 100 عين بتستغرب

وواحد علا صوته بأوف

لقيت نظرات منيش عارف

فيها سخرية واستهتار

بقيت مش عارف أتكلم

بقيت مختار

كأنى غريب فى وسط الناس

ومش من حقى أقول رأى

عشان غلبان

صحيح إن أنا غلبان

لكن دايمًا بكون قدام



فى أى حروب بندخلها

بكون قدام

قصاد الموت بكون مقدم

ووسط القتل والألغام

بكون قدام

واغمض عينى وسط النار

وأرسم جنه فى الأحلام

وعشان الدنيا تتصلح

بكون أول من اتسلح

واشد حزامى على بطنى


واقول حاضر

واقول أنا حقى فى الآخر

عشان بلدى

واقول أهى أزمه وتعدى

جعان شبعان بقول عادى



واعلم نهجى لولادى

بلدكم قبل امانيكم

بلدكم بكره تديكم

وبكره الخير يكون ليكم

ولولادكم

فى حر الشمس ولهيبها

فى عز الحرب

ياما إتمنيت ف يوم أرجع

أشوف أولادى من تانى

عيونى م الفراق تدمع

وعمرى ما كنت على مكتب

وعمرى ماكنت يوم بكذب

واكنت أكره علو الصوت

دنا عمرى فى يوم ماصرخت

وأنا بنزف وكنت بموت



واقول يارب بلدى تعيش

أنا غيرى هييجى كتير

يارب بلدى تتقدم

يارب اديها كل الخير

برغم غلو هدمتكم

أنا فى الصورة قبليكم

أنا اللى ف قلبى ماضيها وحاضرها

ومستقبلها لولادى ومش ليكم

برغم ضعفى وسطيكم

حميت بلدى ومش إنتم

كتير خنتم

لكنى كنت حاميتها

كتير بعتم

وأنا اللى كنت بديها

بتسألونى إنت مين





أنا الشعب اللى كان عايز

يشوف بلده بتتقدم

وكان بيضحى بحياته

عشان يخدم

تراب وطنه

أنا اللى إنحنى دهره

وعمره ف يوم ما قال الاله

أنا اللى ضحى بحياته

عشان يدى البلد دى حياه

وفى الاخر بقى منبوذ

ومش من حقه حتى يعوز

\* \* \*



حسى بنفسك كدا واتغرى  
منا بكتب بس عشان تقرى  
رغم غيابك أنا مش خايف  
رغم البعد ما بينا أنا عارف  
إن أنا قدرك وإنك قدرى  
إوعك تفتكرى إنى هسيبك  
مهما هتبعدى عنى هجيبك  
إجرى وخلينى وراكى أجرى  
أناديكى تقولى لى يحزن  
وفى الآخر بتقولى إتجنن  
لأ أنا مجنون كدا من بدرى  
رغم غيابك لكن شايف



قلبك حاسس وكمان عارف

إنك راح ترسى على برى

أنا مش بستسلم بسهولة

أيوه كسبتى الجوله الأولى

بس الجوله التانيه دى ليا

بتبصى فى عينى وتبتسمى

خبي إحساسك وإترسمى


أنا شايف قلبك بعنيه

غيبى وعاندينى وإتحدى

ميت ألف رساله ولا تردى

بكره تكونى ملك إديه

\* \* \*



بس الناس مش طيبين

علشان كده

عايشه الحياه متعذبه

علشان كذا بتعاني

وكتير معاني

اتكسرت جواها


محتاجه حد يسندها

يكون معاها

فى كل لحظة الم

حد تديله حياتها

من غير ندم



وما تتكسفش لما يشوفها من جوا

واحد تحس إن هو

بس اللي كان لازم يكون

واحد تبص فى عيونه

تلقى العيون

بتقول بجدك

حد يتحمل ضعفها

وصوتها العالى لما تغضب

وفى كل لحظه يقولها


انت الحياه

وتعيش معاه

اللى باقى من حياتها

واحد يحس بجزنها

ويسمع سكاتها



واحد تشوف فيه اللي جى

واللى فاتها

واحد تشوف فى وشه

كل الناس الطيبين

واحد تقول له

انت ليا ليا بس

فيقول أمين

\* \* \*



## لها الحروف تعاند

لما الحروف تعاند

والاحساس اللى ساند

معنى الكلام يتوه

تلقى الكلمه بتكره

تتجسد جوا فكره

ورافضه تدى معنى

والكلمة تبقى عارفه

إن الشعور خدعنا

نكتب تتوه حروفنا

نسكت بيزيد وجعنا

يبقى النتيجة ايه

غير شئ نضحك عليه

ونكتم الدموع



نخدع أيام بتخدع

أحلام توعدنا نرجع

نرحل من غير رجوع

واحد إحساسه خانه

وواحد عايش غريب

بين أصحابه وجيرانه

وواحد من غير حبيب

وكل الناس باعوه

واتحان من كل حد

حتى الحروف خانوه

عايش مع طيفك


مش عايز غير إني أشوفك

أو أسمع صوتك

مع إني

أنا كنت بحسك في سكوتك





طب ليه فى غيابك أتخيل

حزنك أو فرحك أو خوفك

ليه دايمًا عايش مع طيفك

انا كنت معاكى ومطمئن

دلوقتى أشتاق لك وأخمن

إيه اخبارك

مكنتش عايز غير إنى

بس أسلم

تدعيني ف فرحك وأبارك

أنا دايمًا عنك بتكلم

لو غابت صورتك عن عيني

أنا بتالم

ولا مره ف بعدك بتعلم

إزاي أنسى

أو إنى أعيش يوم من غيرك



راجعى ضميرك

وإسالى قلبك

إلى يقسى

على واحد عايش علشانك

واحد مش ممكن يتخيل


بعدك عنه أو نسيانك

واحد عاقل لكن مجنون

واحد مش ممكن لحظه يكون

غير فى مكانك

\* \* \*



أنا عايش فى بلدى غريب

وبتغرب واسيب بلدى

تخيل فىا يبقى العيب

ألومنى ولا ألوم بلدى

ياناس اليأس جوايا

سبب بعدى

أموت فى البحر دا ذنبى؟

وصاحبى اللى كان جنبى

وكان عايش فى أحلامه

رسم صورته لمستقبل

تشوف الفرحة ف كلامه

وكان نفسه



فى لحظة ظروفه تتبدل

وكان الوعد قدامه

وادينا يابلدى من تانى


هنرجع ليكى ونعانى

والمره دى تحت الأرض

وادينى يا بلدى جواكى

كمان مره بعانى البعد

\* \* \*



أحلى احساس ف الحياه

إنك تحس بجد

محتاج لك بجد

لما كلمه واحده منك

تسوى عنده

ألف كلمه وألف وعد

يبقى محتاج لك بجد

لما يستنى بدموعه

لما بيعت لك رساله

أى رد

ويبقى من غيرك وحيد

مش بيتحمل فى لحظه

بينك وبينه فراق و بعد



ويشده إحساسه البرئ

هو يفتح لك طريق

و تبني إنت ألف سد

مهما كان بينك وبينه

فراق وصد

بين الأحبه دا إسمه عند

بيخبي جواه حب عمره

بيخبي جواه شوق وود

لما إحساسكم يكون



أقوى من كل الظنون

واللى بينكم أقوى وعد

يبقى النهايه

حب اللى بيحبك بجد

\* \* \*



## إحساس عجيب

لما تبقى بجد محتاجه لوجوده

ومتقدريش تتحملى

لو يوم يغيب

ولما تشوفيه قدام عنيكى

تلقى الحياه متغيره

قلبك يدق وجسمك يسيب

وتعيشى لحظات إرتباك

بعدها إحساس عجيب

بالفرحه والخوف والقلق


وشعور بدأ

تتمنى إنه ما ينتهيش

أحاسيس جميله وطيبه

وياريت تعيش

لحظات تحسى إنها كل الحياه



نفسك يكون العمر كله بين إديه

ويكون معاه

وتلقى فيه اللي جى من حياتك

تسكتى يسمع سكاتك

ويبص ف عنيكى البريئه

يلقى إحساسه اللي تاه

وتبصى ف عنيه تغرقى

والموج يشدك جوا منها

تتمنى إنك تبقى فيها

وتعيشى فى هدوءها وسكونها

وتنسى جواها اللي فات

وتحسى إن الدنيا هو


وهو كل الأمنيات

هو السند اللي مش ممكن يسيب

هو اللي مش ممكن يكون

غير الحبيب





أنا شايف شئ كده مش ممكن

بينور فى الضلمه بجد

خفت بعدت بسرعه جريرت

بس لقيت الضوء إتمد

قلبي إتشد

قلت أشوف

فجأه لقيتني فرحان جدا

ومفيش خوف


لكن قلبي كان بيدق

ونفسى سريع

خايف إنه يصبح وهم

أو إن اللى بشوفه ده حلم

وخايف إن اللحظه تضيع



بقي معقوله بعد سنين

بعد غيابها وشوق وحنين

أرجع أشوفها

بقي معقوله الأيام تضحك

بعد غياب

بقي معقوله أرجع تانى

كده أتبسم بعد عذاب

غمضت عيوني وإتمنيت

اللى أنا شايفه يبقى حقيقى

وإن عيوني ما تدمعش

ورجعت فتحتها بس لقيت

إن الغايب ما بيرجعش

وإن أنا فعلا عايش بحلم


بعد ثوانى غاب النور

وأدينى تانى رجعت أتالم



## نفس الوشوش

قاعد تعافر جوا نفسك  
كل اللى عايزه إنك تكون  
إنك تحس إن إنت إنت  
تكسر أحاسيس السكون  
اللى محوطاك من زمان  
والفراغ اللى إنت فيه  
نفس الوشوش نفس المكان  
وطيف يمر كل يوم  
تسهر معاه  
وطريق طويل كنت انت فيه  
تهت منه أو هو تاه  
نفسك تشوف الناس  
والناس تشوفك



وتحس بيك

نفسك تحس بالأمان

وتنسى خوفك

وتنسى طيف هنا بيناديك

نفسك تعيش من غير قلق

وسؤال غريب بتكرره

هو إنت موجود ولا لأ

قررت تخرج بره نفسك

قررت تتحدى الظروف

وتعيش بدون خوفك وياسك

وإنك تخوض التجربه

خرجت للشارع سعيد

مع كل خطوه فى الطريق

خطوه تلقاك بعيد

خطوات سريعه



مش زى خطوات البشر

حتى النظر

بدأت تشوف وشوش غريبه

وحاجات عجيبه

ليه ماشى اسرع م اللى جنبك

وحتى قلبك

النبض ليه مش سامعه فيه

وحد قابلك بتناديه

طب ليه مش بيرد النداء


بدأت تقلق من جديد

وخوف جديد تانى إبتدا

بدأت تتكلم وتصرخ

وصوتك ضايع فى الفضاء

لاحد شايف ولا حد سامع



ولا حد بيقول إنت مين


بصيت لنفسك فى المرايه

لقت فراغ

أكيد عرفت

إن إنت ميت من سنين





مره بسأل نفسي هي

تبقى مين؟

ليه لما تزعل مني قلبي

ينكسر وأفضل حزين؟

ولما عنى تغيب ثواني

أفضل أعانى

وألقى نفسي

بين إكتئابى والحنين

لو مره شفت دموع عنيتها

أمسك إديها

وأحس إن ف قلبي نار

وف عيونى خوف عليها

وجوا إحساسى إنكسار



ليه لما تضحك ألقى نفسى

بين إديها والحياه متبسمه؟

ليه كل حاجه فيها ليا

ملهمه؟

وليه عيونى مغرمه

بجمال عنيتها؟

طاب ليه أنا وقت الألم

بنسى كل الناس وبس

أحتاج اليها؟

طاب ليه دموعى بتناديها

لما بتسافر بعيد؟

وأما أشوفها ألقى ليه

كل يوم إحساس جديد؟

وليه مشاعرى

كل يوم عن يوم تزيد؟





ہی امی وہی اُختی وہی روحی


ونور عنیہ

ہی بین کل البشر

أجمل قدر

ہی أقرب حد لیا





## إحساس سجین

تخیل لما تبقی

عایش إحساس سجین

ولو حاولت تهرب

هتروح من فین لفین

الدنيا سجن عمرک

فیه عایش حزین

کتیر عایش بتبکی

ولو حاولت تشکی


طاب تشکی مین لمین

کل القلوب حجاره

ودمع العین خساره

قدام الشامتانین

إکتّم جرحک فی قلبک



وعيش في الدنيا طيف

واوعى تبين دموعك

الدنيا فيها ياما

قلوب متحيرين

تخيل لما تبقى

مسجون داخل شعورك

وعايش حلم غيرك

وانت حلمك دفين

وعشان توصله لازم

يكون فيه دنيا تانيه

وناس متغيرين

حاولت كثير أفكر

واقنع نفسي اني عايش

إحساس إنسان سعيد

وف كل مره بلقى



إن السعاده وهم

إحساس صعب وبعيد

أرجع فى الدنيا أعافر

وبلاد كثير بسافر

أدورع السعاده

وبعد سنين لقيت

الحزن فى قلبى عاده

الظاهر إنى عايش

بس علشان أكون

أحاول أبقى عاقل

وأنا شايف كل حاجه

بتاخدنى للجنون

أحاول أبقى طيب

وأكون أنسان حنون

ألاقى نفسى عايش



بإحساس مختلف

عائش إحساس غريب

همزه ودائره تلف

ومش لاقيه الألف

حرف ومش لاقى نفسه

فى وسط كلام كثير

نفسه يسيبهم ويهرب

لكن دائما يبقى

بين الحروف أسير

وإزاي يقدر يطير

إزاي من غير جناح

قدره يفضل يعانى

مش لاقى لنفسه معنى

ومعنى الكلمه راح

أيام بنعيشها بس



ومش مهم فيها

نفكر أو نحس

أو ندى ليها معنى

ومش قادرين نعبر

عن وجعنا فى لحظة

ولو يوم قلوبنا حس

لازم نكتم شعورنا

ولازم نحبس دموعنا

لازم نكون ججاره

علشان نقدر نعيش

لازم نقنع قلوبنا

إن كلمة مشاعر

فى الدنيا ما تساويش

غير كلمه واحده بس

هى كلمة مفيش



لازم نعيش فى سجن

بمظهر حد حر

ونقول الدنيا حلوه

وندوق الشهد مر

ونعيش بس وخلاص

أيام علشان تمر

بنعيش و الصخر واحد

ونقول إحنا بشر

لو حد فينا حب

نقول إنه انكسر

تخيل لما روحك

فى جسمك تتحبس

مش لاقيه فيه أمان

ولا لاقيه فيه ونس

وتدور ع النفس



ساعات تلقاه ولكن

کثیر مش بتلاقیہ

مخنوقہ جوا منہ

و کثیر مستغربہ

طاب ہی فین ولیہ

طاب مین یحس بیہا

جوا عالم غریب

و ازای تحس بیہ

بقی کل شیء خیال


و کله زی بعضہ

حتى الشیء القریب

بقی قربہ زی بعدہ







فيه ناس ف الدنيا بجد كثير

محتاجه إعادة تاهيل

حد بيان طيب وجميل

وتشوفه تقول أجمل انسان

مره فى مره تعاشره تلاقى

طبعه السيء فجاءه بيان

مره ف مره تلاقى حيوان


واحد شكله جميل ومؤدب

وإبن حلال

تديله حاجه ياخذها ويهرب

شىء مش ممكن يوم يتصور

أو يخطر مره ف يوم على بال



واحدہ تشوفہا تقول دی رقیقہ

عینہا بریئہ

بعد شویہ إنت تدمع

تلقاها تبکی کتیر علشانک

قلت خلاص

أهی حاجه تعوض حرمانک

بعد شویہ تلاقی مخلوق

یشبه خالك

یصبح حالک

أسوأ حال

تتمنی إنک تبقی ف حلم

ومنه تفوق

بعديها تلعن كلمه حب

وکلمة شوق

بعديها تتأكد من شیء



إن الأحاسيس بس عشان

تشعر بس إنك إنسان

وإن الناس فى الشارع

صوره


مش حقيقه

وإن العلاقات بين الناس

فيها مشاعر واضحه بسيطه

والباقي مشاعر مخفيه





ملعون ابو اللى تعيش

عشانه ويخدعك

لحظة ماتبقى معاه بقلبك

يبيع هواك ويودعك

كثير سمعت دموع عنيه

وعمره ما حاول يسمعك

ولا مره حاول يدى حاجه

ولا أى احساس كان يجد

ووعده إنه يكون معالك

كان بس وعد

كنت إنت شايفه ملاك وهو

شايف فى وشك كل حد

اللى زى ده إنسى حبه



وأى لحظه كنت جنبه

مايستاھلش

اللى زى ده دمع عينك

ولا لحظه واحده تفتكر

اللى كان بينه وبينك

بس إفتكر

إنه فعلا مايساويش

وإن إنت بس اللى رسمته

من خيالك

وانه وسط الناس مفيش


ولكل حاجه بتبتدى لازم نهايه

ومفيش شىء ما بينتهيش

واعرف كمان

إن المشاعر بس وهم

إنت اللى صممته فى خيالك



إحساسك إنت بتصنعه

واهو دار وجالك

وإنت اللى قادر بس إنك

فى لحظه واحده تغيره

أصل المشاعر سوفت وير

أى إحساس لو كبير

تقدر فى ثانيه تمسحه وتعود إليه

والإحساس اللى انت عايزه

برده تقدر تبتديه

وتعيش معاه

ولو شىء محاه

إبتدى إحساس جديد

وصمم الإحساس بشكل

تكون مع شعورك سعيد

على قد تصميمك هيبقى



الشعور جواك قوی

برده حاول إنه یبقی

شعور سوی

علشان لأطول فتره یبقی

وخلی المشاهد الجميله

تبقى سابقه

واعرف إن إنت الوحيد

اللی ثابت

والباقی كله سوفت ویر

فعشان كده إیاك تعيش

جوا إحساسك أسیر





## البرئ الوحيد

كل واحد فاكِر إنه  
هو اللى فى العالم ضحيه  
وانه البرئ الوحيد  
وسط عالم مفتريه  
وان فشله فى الحياه  
مش منه هو  
سيبه يتكلم تلاقى  
القهر جوا عنيه بينطق  
سيبه يبدأ  
هتَحس إنه  
فعلا يشعر بالألم  
وان أى حد تانى متهم





والمتهم لو جبهته يشكى

برده هتصدق دموغه

وهتعدره

ماهو أصل كان بيسد جوعه

أصل الكلام لعبه دنيئه

بس الحقيقه

يعلمها علام الغيوب

واحنا نتاثر ونبكي

ونسلمع الشكوى يادوب

والقلوب مقفوله دايمه


ع الحقيقه

واللى عايش جوا ضيقه

ربنا عالم بحاله

بس فى الغالب بجد

المظلوم مش بيعرف يشتكى



شيال هموم

وان يوم بكي

يبقى ف صلاته

ودايما مسامح فى اللى فاته

وسلاحه فى الدنيا سكاته

أصل الكلام ملهوش لزوم

ومفيش فرح فى الدنيا باقى

ولا حزن ممكن يوم يدوم

من غير شعور

قررت إنى ماشتكيش

وإنى أعيش

من غير ما أقول

كلمة عتاب

لحد باع أو حد غاب

أو حد سابنى



بعد وعده يكون معايا  
وخلص مفيش فى الدنيا غايه  
ممکن عشانها أكتب  
ولاأى حاجه  
تخلى قلبى يحس ذنب  
هعيش إنسان من غير شعور  
وده عشان أقدر أعيش  
و الماضى عندى إنتهى  
و كنت فاكراه ما ينتهيش  
وف أى لحظه هبقى قادر  
أبتدى دنيا جديده  
ولو بعيده  
عن إديّه  
فى النهايه هتبقى ليه  
كل شىء ف الدنيا ممكن



يبقى ليك

وبين إديك

بس إرمى إحساسك وكون

بشعور أشد من الحجارة

وقتها

بس مش ممكن تحس

بالخسارة

وقتها

أى شىء ممكن يساوى


أى شىء

فى الوقت ده

يبقى إنت بس

وصلت لبداية الطريق





بين حيرة النفس ويقينها

بين اضطرابها وبين سكونها

حد تاه عن روجه لكن

ابتدى يعرف مكانها

حد كان عايش حياته

نفسه بعرف هو مين

طال صراعه ويا ذاته

بس فى نهاية الطريق

ظنه اتحول يقين


فجاه ادرك انه قادر

يبقى نفسه ومش بديل

ولما يبقى فيه اراده

يبقى ممكن

يلغى كلمة مستحيل



## ما بين الهوى وبين الشط

علاقه شكلها يحير

علاقه عشق مع غيره

ما بين ضحكه وتكثيره

حبيب ف حبيبه بيكسر

تشوف قسوه وحنيه

وشط بيحضن الميه

علاقه حب دى ولا

صراع غامض ما بين اتنين

فى وقت القرب يتخاصموا

ووقت البعد شوق وحنين

بين التظاهر بالسعاده

والسعاده بجد

هتلاقى حد



راشم على وشه ابتسامه

وعيونه جواها انكسار

نفسه بيكي بس خايف

يمسح علامة الانتصار

حد محبوسه مشاعره

جوا سلاسل من حديد

فاكر انه لما يرسم

وش حد بيتسم

هيكون سعيد

بين الثقه وبين الخداع

كم وعد ضاع


كم حد ادى كل حاجة

وحد باع

كم حد خان

اللى ادى له الامان

كم حد ساب



حد حبه بكل قلبه

ومقلش ليه ملمة وداع

عند الغياب

بيت دمع عينك والالم

صوت اتكتم

وحلم غاب

وقلب داق حرمان وداب

وقلب طيب اتظلم

بين الثقة وبين الخداع

كم وعد ضاع

كم حد ادى كل حاجة

وحد باع

كم حد خان

اللى ادى له الامان

كم حد ساب

حد حبه بكل قلبه

ومقلش ليه ملمة وداع





عند الغياب

بين الامانى والحنين

حرمان سنين

وحد كان نفسك تشوفه

من زمان

عايش لوحدك ويا طيفه

تفتكر كل اللى كان

وناس بكره

عايش حياتك كلها

مسجون فى ذكرى

ما بين الحب والحرمان

من المحبوب

قلوب بتدوب

وشوق وحنين

ونفس حزينه مش عارفه

تروح على فين

وحييره ويأس بيغطى

ظهور الشمس



وليل عتمه

يغنى الرغبه واللهفه

بصوت الهمس

ما بين إحساس بحب وميل

وكتمانه

واحد مخنوق فى سجن الشوق

وباب السجن أحزانه

قافل بابه على قلبه وبيعانى

سنين حرمان

وصخر القلب يتكسر

من الوحده ومن الكتمان


مشاعر صادق مش عارفه

تشوف النور

ومش قادره فى يوم تهرب

ولا قادره فى مره تثور

\*\*\*



## جوا منك مغناطيس

جوا منك مغناطيس

بيشد ليك

اللى بيوافق هواك

يعنى لو جواك تفاؤل

الامل هيكون معاك

والسعادة

والنجاح بس يبقى

جوا منك فيه اراده


اما لو جواك محبه

كل شئ

فى اللى بتحبه هيبقى

شئ جميل

وانك تعيش من غير وجوده



مستحيل

ومفیش بدیل

ممکن یعوض یوم غیابه

ومفیش دوا

ممکن یداوی جرح سابه

اما لو جواک تشاؤم

کل شیء هتشوفه صعب

هتعیش حیاتک خوف ورعب

واکتئاب

وهتقاضی عمرک مرتبک

ما بین قلق و مابین عذاب

هتعیش شعور فعلا غریب

حتی لو شیء ملک ایدک

هتخاف یغیب

هتسیب حبیبک



عشان انت خايف

انه يكره او يسيب

افهم شعورك

هتلاقى فيه انعكاس

للسعور على كل فكره

يعنى بيحدد بجد

انت ليه بتعشق وتكره

يعنى انت ليه

عاش حياتك مطمئن

او انت ليه

مستنى شئ يحصل فى بكره





## بين شهادة الميلاد والوفاه

بين شهادة الميلاد والوفاه

كم حد تاه

كم حد عانى وإنكسر

جوا الحياه

كم حد فيها إتمنى

يحقق حلمه ما تحققش

كتب حكايه وانتهت

وهو فى الأساس مبداش

كم حد عاش فيها

ومات وهو غريب

كم حد سابه

حبيب عمره

وعاش بعديه



فى الحياه تعذيب

كم حد فى الدنيا ايتدى

قصه جميله و مكملهاش

وكان نفسه

لو القصه فى يوم تتعاش

كم حد فى الدنيا ما ضعش

وسط الزحمه عمره بلاش

كم حد فى الدنيا ايتدى

وانهى عمره وهو برئ

كم حد فى الدنيا قدر


وسط الزحام

يصنع لنفسه طريق

كم حد فى الدنيا

شاف الناس كخلق الله بشر

بدون تفريق



كم حد فى الدنيا

بص لنفسه من جوا

وشافها بجد

كم حد فيها

شاف المحتاج

وقلبه بالحنان اتمد

كم حد فيها سمع

الكلام يجرح

بدون مايرد

كم فيها استعد

ليوم ما يغيب

عرف انه مجرد ضيف

وانه فى الحياه عايش

حياة تكليف

كم حد فيها





عاش طول عمره ماتغيرش

كم حد حاول يكون نفسه

في يوم ما قدرش

كم حد فيها سجد

وحس براحه واطمئنان

كم حد فيها عاش

ومنها خرج

كما الإنسان





## يا ذكريات مؤلمه

يا ذكريات مؤلمه

ومعلمه

من غير قلم

قلوبنا ليه مسلمه

والحزن أصبح سمه

وصوتنا ليه إتكتم

ف الماضي ليه عايشين

وتهنا عن بكره

تايهين فى سكة ألم

وخداننا للذكرى

أدوارنا مرسومه

وحياتنا مقسومه



ما بين عذاب وجراح

حيب ييجى ويسيب

نحزن على اللى يغيب

أونبكى ع اللى راح

نستنى لحظة فرح

تداوى قلب إنجرح

بعد إنتظار ما تجيش

أمل وحلم غياب

طاب ليه بقى يا عذاب

جوا القلوب بتعيش


ليه ضايعه أحلامنا

فى سكة المجاريح

وخدانا وياها

عكس إجاه الريح

طريق طويل مشيناه



يمكن عشان ننسى

مرت سنين وسنين

عاشين ومش عاشين

والذكريات لسه

محفوره جوانا

حاولنا ننساها

لكنها معانده

ومش عايزه تنسانا


وأدينا جواها

مرسومه أدوارنا

للماضى وخدانا

ومقسمه شعورنا





مكسور جناحه ونفسه يطير

وكل ما يحاول يفشل

عجيب فى عزمه وتصميمه

والياس عمره ماكان يوم حل

ولا مره مل

ورغم عجزه مستمر

وعزمه سر قوته

عاش حياه قصيره


وغرضه يقضى مهمته

وهمته سلاحه الوحيد

وسط الظروف المرعبه

كائن وحيد من غير سند

يضمن نجاح التجربه



خائف يكون

ف الأرض خاضع أو أسير

وعشان كده

عائش عشان حلمه الكبير

يا محققه يا إما يموت

يا يعيش وراسه فى السما

يا إما يرحل من سكات

وهو فى وضع الثبوت





## إوعى كراهتك تخسرى

إحكي وإشكى وإصرخى

بس مين ف الدنيا يسمع

مين اللى ممكن يفهمك

يسمع دموعك

لو عيونك يوم تدمع

دا اللى كان لازم يكون

جنب منك ويواسيكى

واللى كان لازم يحبس


دموع عنيكى

ويسندك وقت الألم

ويقف معاكى

لما قلبك يتظلم

بيدوس على الإحساس



ويوجع

واللى ياما وثقتى فيه

وكنت ليه كل الحياه

هو اللى بيخونك ويمخدع

لو إن طيبة القلب ذنب

والمشاعر الرقيقه

فى النهايه بتبقى حب

يبقى ذنبك هو حبك

يبقى لازم

تكتفى مشاعرك ف قلبك

وإوعى مره تعبرى

والأحاسيس الجميله

اللى كانت جوا منك

إكسريها و تقدرى

ولو خسرتى كل حاجه





فى الحياه

إوعى كرامتك تخسرى

واللى سابك

وقت ما كنت محتاجاه

واللى كان بينكم نساہ

إوعى تستنى إنه يرجع

اللى راح خليه يروح

واللى بيودع يودع





## مش لاقى دل

هو إنت ليه بقيتى كده

ليه بقيتى قاسيه ع اللى منك

ليه بقيتى دايمًا تجرحي

عايز أسيبك لولا إنك

بلدى اللى مش قادر أسيبها

واللى حاسس إنى ليها

رغم قسوتها حبيبها

ورغم إنها قافله بابها

فى وشى وف وش اللى منها

وفاتحه بابها

للى خانها

وللغريب تفتح دراعها

وللى باعها



وإبنا يخبط عليها

تديله دايمًا ضهرها

يرجع وقلبه بيتحرق

زعلان عليها ومنها

اللى أنا حاسه تجاهك

إن أنت أصبحتى مريضه

بالزهايمر

تبقى مش لاقية النفس

وتبقى حاسه إنك سعيده

إنت جوا سباق طويل

وم النهايه كثير بعيده

للأسف دايمًا ورا

لا بقيتى عارفه من اللى ليكى

ولا مين بيقسى كثير عليكى

ولا عارفه إيه اللى جرى



دا إنت كنت ف يوم عظيمه

و كنت غايه لكل حد

ليه بقيتى مش شايفه طريقك

وبقيتى خابطه ف حيطه سد

ومش لاقيه حد

يبكى لحالك

أويقول لك

قومي مالك

إبنك بيصرخ م الألم

من عجزه إنك تنهضى

هو يقرب لجل عينك

وإنت عنه بتبعدى

وبتوعدى

إنك تكونى بجد أم

وفى النهايه م اللى شايفه



بیتصدم

وأدیله فتره کتیر طویله

بین ایدیکی عایش فی هم

وف ندم

طاب یبقی فیکى

رغم عجزه ورغم ضعفك

ولا یرحل

شعور غریب بیسده لیکی

رغم انه بجد مل

وفى النهایه

مش لاقى حل





## من حقى أعيىش وأحلم

من حقى أتكلم

من حقى أكون إنسان

أفرح وأتالم

من حقى أعيىش تجربه

من حقى أتعلم

من حقى أقابل ناس

أكره وأحب وأعيىش

أضحك ساعات وأفرح

وساعات كثير ملاقيش

فى الدنيا غير أوجاع

وحلم ف إديه

أفتحها ألقاه ضاع

لكنى مش بيأس



وطول منا عايش

وطول ما بتنفس

من حقى أكون نفسى

وما كنش صورہ لحد

وما كنش ضل إتمد

يضيع مع العتمه

من حقى أكون فكره

ترسم طريق بكره


من حقى أكون كلمه

تفضل ما بين الناس

طول الحياه ذكرى

حد يبقى





يسأل عليك

لو غبت عنه

ويواسيك

إحتجت حد يحس بيك

من غير ما تحكى

حد يسمع صوت دموعك

لما تبكى

حد يبقى ليك وبس

ينسى أى حد غيرك

حد يبقى صوت ضميرك

قد ايه احتجت حد

ما يسألکش إزاي وإمتى

قد ايه احتجت حد





في غيابك يبقى إنت

كم حد شفته

النهارده نكد عليك

كم حد إنت

أحسنه ليه

وأساء إلك

طاب شفت حد

النهارده بيتسم

طاب شفت لقمه بتتقسم

بين الصحاب


طاب مين سأل

على صاحبه لما

صاحبه غاب

مين النهارده ما اشتكاش

من وحدته والإكتئاب



وإنه جوا الدنيا تاه

وإن الحياه

شئ مستحيل يتحمله

وإن الطريق اللي ابتداه

مستحيل هيكملة


مين اللي شفته النهارده

ما بيشتكيش من كل شئ

إحتياجه وعجز إيده

والزحمه ف البيت والطريق





طفل صغير قاعد يلعب

جنب البحر

فرحان جدا

أول مره يخرج فيها

من كم شهر

كان مستغرب

إزاي كده البحر كبير


وإزاي كده

ف الدنيا حاجات

ملهاش تفسير

بص ل فوق

شاف عصفوره



قال طاب ليه

وإزاي دي تطير

طاب ليه أنا

مش بعرف أظير

شاف الشمس حاضنه الميه

شاف الموجه

رايحه وجايه

بعد شويه هبت ريح

غابت الشمس

والكون كله بعد ضجيج

إتحول همس

وسحابه عدت نزلت مطره

فجأه الدنيا حالها إتغير

الموجود إختفى والغايب



فجأه بيظهر

ومفيش حاجه ف الدنيا بتثبت

كله بيبهت

بعد ظهور

كله بياخد دوره وغيره

جوا الغيب مستنى الدور

بعد ساعات حيره وتفكير

قال الطفل مش معقول

الكون ده محتاج تدبير

قال سبحان الله الخالق

رب الكون

اللى إدانى عقل أفكر

علشان أقدر أعيش وأكون

علشان أفهم



عشان أقدر أقرب منه

أشوف وأتعلم

عشان أعرف إنى ضعيف

وإن أنا دائما محتاج ليه

عشان لما الحال يتغير

أفتح قلبي وأنادى عليه





## جربت تقول يارب

جربت ف يوم تحس

إنك جوا الحياه

عاش من غيرونس

جربت إنك تعافر

علشان نسمة هوا

ومش لاقى النفس

جربت تحس روحك

محبوسه جوا جسمك


وقلبك إتحبس

جربت تحس إنك

مش لاقى مره نفسك

واحد عاش وبس

طيب وسط العذاب



وإحساس الحياه

اللى سابك وغاب

جربت تقول يارب

جربت تحس راحه

جوا قلب إكتئب

إصرخ بأعلى صوتك

وإكسر حاجز سكوتك

وقول دايمًا يارب


هتلاقى ألف باب

هتلاقى شعور وسعاده

مكان الإكتئاب







## الحاسه السادسه

فيه واحد ومراته إتفقوا

بعد صراع يخرجوا فى عزومه

أقنع نفسه

قال إنها محتاجه تعبر

مشاعرها دايمًا مكتومه

إشتغلت الحاسه السادسه

أول كلمه قالتها أنا حاسه

إن أنت مشاعرك مقسومه


بينى وبين شئ مش معروف

فكر حبه ورد بخوف

إنت لوحدك جواف قلبى

قالت ليه شكلك مكسوف

ووشك ليه قالب ألوان



مهما تحاول عنى تحبى

اللى ف قلبك عندى بيان

قال لها بصى تعالى نحاول

حبه تقرب كده من بعض

نفهم بعض نحس ببعض

كفايه نعذب مشاعرنا

وكفايه إحساس بالبعد

بعد شويه

بصلها نظرة حنيه

قالها خللى إديكى ف إيدى

تبقى معايا فين ما أكون

بصتله بنفس الإحساس

لكن فجأه

ف إديها رن التليفون

شدت إيدها بسرعه وقامت



تتكلم مع واحده جارتها

تستغرب من رد الفعل

من شدت إيدها وسرعتها

قعدت فتره طويله تتكلم

والراجل قاعد مستغرب

أقرب منها هي بتبعد

طيب ليه عايزاني أقرب

والأغرب بعد التليفون

نسيت أصلا إنه معاها

أخذت بعضها فجأه ومشيت


والمسكين

قاعد جوا بيستناها

بعد شويه بص ف ساعته

بعديها قام بص عليها

رنت قالت أسفه بجد



أنا عارفه من حقاك تزعل

لكن صدقنى أنا بحبك

ومشاعرى

أبدا مش ممكن تتحول

غمض عينه وشد ف شعره


خبط إيده ف إيده بقوه

كان زعله إن المفروض

حساب المطعم يبقى عليها

وفى الآخر إدبس هو





البنت لما تحكى

حكايتها لما ضاع

أجمل حب ف حياتها

وكان خوفها وسكاتها

هو سبب الوداع

ترجع تقول لنفسها

ياريتنى كنت حنينه

ياريتنى ما كنتش أنا


ياريتنى كنت ليه سند

ومديت له إيدى لما مد

ياريتنى إديته الأمان

وكنت ليه زى ما كان

قلب مش ممكن يخون



كان نفسي حبي ليه بيان

يا ريتنى كنت فضلت ليه

كل حته ف قلبى لسه

بعد بعده بتناديه

يا ريتنى كنت ليه ونس

وكات حياتى ليه وبس

طاب ليه ظلمته بعد حبه

وبعد قلبه مايبا حس

أنا غيرتى كانت مرعبه

وكان يقرب منى لكن

عمرى ما كنت قريبه

تعبته جدا للأسف

مع إنى بنت طيبه

مكسوفه أقول له محتاجالك

إرجع بقى مش قادره أعيش



الحياه بعدك سراب

والفرحه من غيرك مفيش

أسفه على كل اللي كان

واللي جرى غلطانه فيه

نفسى قلبك ليا يرجع

قلبي خلاص إشتاق اليه

أنا بعد منك مستحيل

يكون ف قلبي لك بديل

أنا عايشه بس لوقت فيه

يعود لى إحساسى الجميل





## معنى الحب

عايز تعرف معنى الحب

عايز تعرف

إزاي قلب بيحشق قلب

إفتح قلبك هتلاقى بنت

شفتها مره

مرت جنبك إستسلمت

من بعديها رفعت الرايه

وعشت حكايه

أغرب من كل الحكايات

من بعديها عرفت حاجات

كان مش ممكن يوم تعرفها

من بعديها عرفت الفرحة





لما تشوفها

برده عرفت الخوف والحزن

لو يوم غابت

عشت فى سجن البعد وشففت

مشاعر دابت

م الأشواق

من بعديها عرفت إيه معنى

كلمة هجر وشوق وفراق

وإنك تحتاج حد بجد

يديك قلبه


وتديله قلبك

يفضل جنبك

طول العمر

من غير بعد ومن غير غدر

حد إختارته بكل جوارحك



حد يعيش وياك أحلامك

حد يشاركك فرحك جرحك

حد ينسيك كل الناس

حد تشوف في عينه الدنيا

مرسومه برقه وإحساس

فيها زهور


وشعاع من نور

وورود تتمايل م الفرحة

فيها عروسه رقيقه بتضحك

فرحانه إنها لابسه الطرحه





## ذكريات

أنا كل ما أسأل على اللي فات

ألقى حكايات

وذكريات حلوه ومره

و ف كل مره

ألقى الحكايه بطلها مات

كل اللي سابه

بس ذكري

وفكره للناس اللي جايه


أيام تمر وييجي بكره

وف النهايه بيتنسى

وكأنه عمره ف يوم ما كان

وما منفتكرش إلا لما

نفتح حكايات من زمان



## نقطة ضعف

نقطة ضعفى والعذاب

من زمن كان حد غاب

وحشاني جدا طلته

وضحكته الحلوه الرقيقه

كانت علاج الإكتئاب

ساب جوا قلبى حنين وشوق

وحلم أقرب للسراب

بين إنتظارى ليوم رجوعه

وقلب مخنوق بين ضلوعه

حنين شوق ورا كل باب

وقلب داب

بين دموعه والألم

وبين أمل ممكن يكون



مختار ما بين وهم وظنون

أو مستحيل في آخره هم


وحد عاش عمره حزين

بين إكتابه والندم

وحد غاب من غير رجوع

وحد في الدنيا إتظلم





## ياسارق الأرواح

يامين بيقتل مين

ويسرق مين

كم حد يتمته

ورملته وسبته حزين

كم حد إستنى

جيبه مجاش

وعاش عمره عليه بيكى

وده لو عاش


وطفل ينادى وبيسأل

أبوه ليه غاب

وكل كلمه جواها

عتاب وعذاب

ملعون فى كل كتاب




ياسارق الأرواح

ملعون بحق اللي بكى

واللى إشتكى

واللى فارقنا وراح





لما تبقى الدنيا غامضه

والأمور متلخبطه

والناس ما بين إحساس بحيره

أو شعور بالمرمطه

وتبقى مش عارف بجد

إنت فين

وتلقى نفسك غصب عنك

بين وبين

جهل ماشى فى العباد

أو وغباء إمتد جدره

وانتشر كمرض لعين


وتبقى خايف

إنه جواك ينتشر

يبقى إحمى نفسك بالهروب

وإبعد عن تفاهات البشر





## كلمة عزم

ما بين الضعف والقوه

إرادته وحلمه بينادى

أيادى بتبني وأيادى

فى وسط العتمه بتعافى

تشق الصخر رغم الضيق

وجوا الدنيا بتسافر

فى بحر الصبر تتوجع

ما بين تغرق وبين ترجع

وكلمة عزم هى السر

عشان تبقى لازم تقدر

تعدى البحر وسط الموج

ودا ممكن ما دمت مُصر





## صديقى الشريف

صديقى الشريف

فى بلد اللصوص

وبلد اللى قادر

على غيره يدوس

والناس اللى هى

عبيد الفلوس

عزيزى البرئ

وسط المجرمين

فى بلد الديابه

الناس الغلابه

دايما مكسورين

واللى عايز يفكر




في وسط الغباء

يا اما يعيش في حسره

يا اما يموت حزين





لا اخترت لوني ولا

ملاحي ولا مكاني

أنا كنت لأشئ واتوجدت

وأما اتولدت

إتولد

جوايا إيماني

أنا أسمر بلون الأرض

وكل الأرض عنواني


أنا عايش على ترابها

ولترابها هعود تاني

أنا إنسان كما إنت

فاعاملني

ياريت بشكل إنساني



## وقت الحزن

بفتكرك جدا وقت الحزن

وكأني بعابتك على بعدك

قلتيلي بحبك طيب ليه

سبتيني أتعذب من بعدك

كم مره وعدتي وكان وعدك

أشبه بخيال

كم مره نسيتي كلام قلناه

وكأني مكنتش يوم ع البال


أنا ليه فى غيابك مش قادر

أفرح وأعيش

ليه دايمًا بستنى رجوعك

وإنت ما بتجيش

كان حلم جميل



عشته معاكى بس خساره

م الحلم صحيت

كان أكثر حاجه إتمنيتهها

إنك دايمًا تفضلي جنبى

وياريتنى فى عمرى ماتمنيت

ولا كنت حلمت

بندم على إنى ف يوم شوفتك

مع إنك لو مش موجوده

أنا كنت ندمت

أيوه إستسلمت .....ومش قادر


أبعد عنك

أنا حاسس إنك جوايا

وإن أنا منك

أنا دايمًا شايفك علشانى

وبشوفنى ف عينك حد غريب



إحساسى بـجـبـك مش معقول

وشعورك نحوى بجد عجيب

إحساس غامض ملهوش تفسير

كان حب كبير

شايقه ف عينك

مرسوم بالدم على جبينك

مكتوب جوايا وجواكى

بس إنت نسيتى اللى ما بينا

إنما أنا مش قادر أنساكى

وكأنك شىء كان منى بجد


وبقسوه إتشد

وكأنك وعد

مكتوب على قلبى يعيش جواه

مسجون ف حنينه وأشواقه

ويتوه لو تاه



تبعء وتقول أنا عايزه أرجع

تبعء إنت هى تدمع

عائش أيامك بتعانى

فى علاقه تفاصيلها بتوجع

لازم دائما تبقى حنين

مجنونه وأفعالها تتجنن

تخطف م السما نجمه عشانها

وتقولك يا حبيبى يحنن


تزهق وتقول أنا عايز أبعد

وتحاول تهرب وتجدد

بعء شويه تلقى إديها

ممدوده وف إديك بتشد






تتجنن وإنه بنتأمل

وخلص مش قادر تتحمل

كل شويه تفكر تهرب

تشوف دمعته تقول هتكمل





مختار أنا بينى وبين نفسى

وبسأل أنا مين؟

أنا كنت كيان واحد لكن

إتقسم إثنين

مش عارفين بعض

أو روح ف السما كانت طايره


وشدتها الأرض


أنا شئ كان ثابت

جوا فراغ وبدون جاذبيه

ولما إتشد عشان يثبت

إتحول فرض





# الفهرس

- 3 ..... اهداء
- 4..... أصعب إحساس
- 7..... كنت عايش
- 15..... بعد بعدك
- 21..... لحظة فارقة
- 25..... مش كل شيء
- 27..... أسوأ مافي الإنسان
- 31..... بدعيلك يارب
- 36..... بفتكرك جدا
- 39..... هربانة من إيه
- 41..... كنت بصيت للنهاية
- 43..... تخيل
- 46..... أيوه أنا
- 48..... مترددة
- 49..... مافيهاش ملايكة
- 51..... غير لما بشوفك

- 53..... العيون الحزينة
- 54..... فضلت أحلم
- 56..... نفسي أكون
- 58..... نفسي في يوم أبقى أنا
- 61..... إزاي تقدر تبتسم
- 63..... عكس عكاس
- 65..... فيلم قديم
- 68..... مكار
- 71..... شوف كم قلب إتظلم
- 78..... إتعلت أندم
- 82..... لو ببقى صحاب
- 86..... تعرفي
- 88..... أمي
- 90..... أنا الغلطان
- 92..... إديوار مرسومة
- 95..... عنيكى الكدايين
- 97..... نجنتى
- 99..... حياة خالية من الإحساس
- 101..... الدنيا بتمشي

104.....	حكايات
106.....	عزيزى المهم
109.....	عزيزي
113.....	مرسوم مدار
115.....	عصفور
117.....	بقيت خايف
119.....	غريبة
123.....	نزوة
126.....	كلمتين
128.....	مش قادر
130.....	جوا منى
132.....	إنت مين
137.....	حسي بنفسك
139.....	بريئة
142.....	لما الحروف تعاند
146.....	في بلدي غريب
148.....	حب اللي بيحبك بجد
150.....	إحساس عجيب
152.....	قلبي إتشد

153.....	نفس الوشوش
158.....	هي مين
161.....	احساس سجين
167.....	إعادة تأهيل
171.....	كان بس وعد
175.....	البريء الوحيد
180.....	بين وبين
181.....	ماين الموج والشط
186.....	جوة منك معنطيس
189.....	بين شهادة الميلاد والوفاة
193.....	بإذكريات مؤلمة
196.....	كائن وحيد
198.....	إوعي كرامتك تخسري
201.....	مش لاقني حل
205.....	من حقي أعيش وأحلم
207.....	قد إية إحتجت حد
210.....	رب الكون
214.....	جريت تقول يارب
216.....	الحاسة السادسة

220.....	بنت طيبة .....
223.....	معنى الحب .....
226.....	ذكريات .....
227.....	نقطة ضعف .....
229.....	ياسارق الأرواح .....
231.....	إنت فين .....
232.....	كلمة عزم .....
233.....	صديقى الشريف .....
235.....	بلون الأرض .....
236.....	وقت الحزن .....
239.....	مجنونة .....
241.....	مختار .....
242 .....	الفهرس .....



د. محمود يونس أحمد

# أصعب إحساس

